

"Ianareo manao Ahy hoe Mpampianatra sy Tompo; ary marina ny filazanareo, fa izany tokoa Aho. Koa raha izaho, Tompo sy Mpampianatra aza no nanasa ny tongotrareo, ianao reo kosa mba tokony hifanasa tongotra" (Jaona 13.13-14)



Lasa tokoa lahy Dadatoa Germain na Papan'i Tahina ! Banga dia banga ny toerany, tsy eo amin'ny vady aman-janany ihany na ny ankohonany fa eo amin'ny FLM iray manontolo !

Tena nitory an'i Jesosy manerana ny nosy sy hatraty ampitan-dranomasina izy.

Izy koa no mpanentana sy mpampifaly fo amin'ny fampihomezana rehefa sakafom-pirahalalahiana !

Eto amin'ity sary ity dia nametraka fianarana ho antsika izy : manasa ny tongotr'i Pastora R. Edmond, Mpitondra Fileovana Paris izy eto.

Koa ianareo Pastora, aoka hifankatia sy hifanasa tongotra tompoko !

Isika rehetra mpianakavin'ny finoana, aoka hifankatia satria samy zanak'Andriamanitra, lanitra iray no ho vantana !

Zahay teto France dia nahazo tombony lehibe fa novangiany matetika ! Vao tamin'ny fankalazana ny Noelin'ny Toby tao Pours tamin'ny volana Janoary 2019 no namangy taty izy.

Ary mahagaga fa toy ny tonga hanao veloma anay teto France izy, fa notsaboina tao amin'ny hopitaly Sedan akaiky ny toby Pours na dia nokasaina ho tsaboina tany Strasbourg aza.

Ny tenako manokana dia faly fa na dia reraka aza izy, dia nantsoiny an-téléphone aho ny Alahady maraina ny 19 Mey ary faly nihaona izahay mianadahy tamin'io andro io.

Vita ny azy tompoko ! Ny antsika no sisa !

Mirary fionona indrindra ho an'ny vady aman-janany, ny ankohonany ary isika fianakavian-ben'ny mpiara-mihazakazaka eo amin'i Jesosy maneran-tany

Dr Lalao R

